

武功縣志

卷四
人物志上

續武功縣志卷之四

人物志第七上之一

武功多世族。漢魏以降。蘇氏累葉簪纓。不減城南韋杜。宋有游氏亦克濟美。自前明以迄我

朝。名公鉅卿輩出。子孫繼承。亦能以詩書科第振其家聲。綿為世族。蓋三輔文獻之邦也。考諸譜牒。先世起家。莫不以忠厚勤儉為本。是以後代相傳。皆能蒙其庇蔭。歷久不衰。苟為之子孫者。更加培植。延其世德。則五世之澤。再實之木。不必為世祿虞也。至於弱

族孤芳。編氓高秀。本原既厚。培養易滋。後世克繼遺徽。子孫必致昌大。此則余於邑中諸君子有厚望焉。李紹韓續志著錄七十六

人。任宦明。康海。楊秉中。康浩。牛兆祥。李朝綱。張儒珍。耿儒朝。用。張鑰。趙珂。李時芳。康棧。牛佳康。張樅。張汲。李時茂。張相。馬當。張橋。龍。志煒。郭內。俊。康圻。朱國楨。趙希喬。張榮。丁世勳。李服義。馬鳴。世。張

卷之四

臬張樞。張棧。黃建。極王鑰。尚承業。丁仕俊。李可植。尚聘。康紹。叔。國朝。耿獻忠。霍達。封贈明。康鑾。李文厚。馬晏。康國。楊師孟。科。明。張。秀。諸生。明。康演。康淳。李可材。趙明。俊。韓識。著。德。明。張海。耿。馬。光。前。馬。自。履。耿進。李時。吉。劉志。沈華後志著錄五十三人。忠烈。馬。馬。玉。耿。瑩。然。張。德。釋。明。圓。妙。沈華後志著錄五十三人。忠烈。馬。馬。玉。耿。瑩。然。張。

張應。福。錢汝器志著錄三十九人。廉能。馬。慧。姿。黃。虞。臬。張。君。龍。儒。林。劉。燦。張。應。福。錢。汝。器。志。著。錄。三。十。九。人。廉。能。馬。慧。姿。黃。虞。臬。張。君。龍。儒。林。劉。燦。

郭容。兆。張。金。行。宗。楊。佐。龍。張。維。紳。孫。景。烈。孝。義。馬。正。楊。君。龍。儒。林。劉。燦。文。學。馬。位。崔。昭。張。金。爐。趙。和。璧。醇。行。楊。一。張。湖。楊。躍。龍。張。天。宿。黨。允。福。李。環。方。技。趙。驥。恒。仙。釋。佛。心。上。人。馬。象。乾。補。一。人。張。志。張。承。承。烈。

煥弓。峻。登。弓。燿。郭。慎。行。黃。鑑。焦。世。爵。焦。士。範。焦。繼。烈。李。可。楨。明。程。登。科。楊。本。立。楊。本。仁。郭。黨。喬。齡。黨。銳。世。振。聲。高。元。介。高。迥。李。可。楨。明。程。登。哲。張。渤。陳。博。陳。應。駟。劉。紹。宗。劉。元。蘇。氏。張。守。元。陳。模。張。統。董。榮。李。振。樞。馬。亨。馬。順。世。李。厚。徐。立。功。段。玉。田。田。生。玉。劉。

彪縣卷李柏周大用邵封錄馬駒楊季昌尚聰孫國良
李可楨黃鸞張山人張氏洲文集劉永年孫景昌何瑞 皆依據舊

志。叅以諸家譜牒。及孫氏景烈邵封錄。張氏洲文集。以次編纂。譜系可稽。則做南北史王謝諸傳之例。合爲一篇。餘做史列傳義例。分合比次。要皆畧約。時代科第爲先後焉。仙釋。依康氏志例。不錄。

康海

康海字德涵。號對山。事詳明史本傳。不具論。論其軼事。海數歲。與羣兒嬉。父鏞授之業。輒退而嬉。怒欲箠之。課所業。無可箠。乃已。於書覽而不誦。嘗曰。上士恒逸。下士恒勞。誠虛吾衷。以友博學。則博不在友。而在我。爲諸生時。什九在外。日與朋友論說。挾冊者笑之。旣而同試。笑者方構思。海已投卷逝。凡撰著。中煩而外疲。弗爲也。惟靜而虛。虛而意生。迢迢乎來。夫然後操觚而揮。雖衆咻弗聞。未及乎匱也。止焉。蓋養其鋒而善用之。恒若新發硎。及第狀元。授修

卷之四

二

撰。充經筵講官。凡著作必宗經而子史。以宋爲俚。唐爲巧。秦漢爲伯仲而未醇。故同進者忌海。海遭母喪歸。逕沙河。遇盜。邑令償失金。海受之。及劉瑾敗。忌者劾海交瑾。令懼瑾。故償金。遂罷官。海愛人之心長而自好短。嘗援李夢陽於死。後顧謗其交瑾。放廢不復起。然海未嘗仇夢陽也。海之廢也。以文爲身累。遂倦於修辭。曰。辭章小技耳。壯夫不爲。吾詠歌舞蹈泉石間已矣。乃製樂府。諧以聲容。自操琵琶倚歌。別居許西莊。自號許西山人。又號汧東漁父。賓至。彈琵琶娛賓。或勸其仕。則怒。舉琵琶提客。然海事親孝。調族黨厚。教育子弟戚黨皆成名。嘉靖十九年。年六十六卒。命以山人巾服殮。遺鼓三百副。所著有對山文集。汧東樂府。康氏族譜。張氏族譜。武功縣志行世。子栗字子寬。庠生。早卒。著有子寬集。次楷字子秀。號小山。喜任俠。詩文有父風。萬歷舉人。聞喜靈壽知縣。有政聲。

著有小山集。子禹民字水衡。監生。工詩文書法。萬民字公遜。一字無沚。亦監生。博學能文。與兄禹民齊名。有增讀蘇蕙回文法。禹民更得十萬首。海叔錫鑾。錫字振祿。成化貢生。藁城縣丞。士民稱廉直。錦字華伯。有文行。宏治貢生。長洲縣丞。常州府知事。子淳字德一。與弟濂。學行濟美。濂字德周。嘉靖貢生。裕州學正。鑾字振聲。負幹濟才。宏治末。西虜入寇。出金助餉。子浩。洋河。浩河成進士。以浩官封戶部主事。河官贈知府。浩字德充。正德進士。戶部主事。遷郎中。以戇直出守嘉定府。禮士愛民。有政聲。先是從兄海。與御史陳察不相能。察時按蜀。嫉浩罷去。著有旻齋集。洋光祿寺署丞。孫焮號後溪。庠生。博學工文。卒不第。以安貧講學老。著有後溪集。子國字濟宇。庠生。事繼母何。撫異母弟孝友。爲宗黨法。嘗醉游漳畔。薄暮。遇少婦。厲涉避去。有無賴。贖。仇將殺諸阨。遇國得不死。居間

卷之四

三

釋其仇終不與瞽言。爲文千言立就。書工楷法。時有關西兩絕之目。卒祀鄉賢祠。

國朝贈戶部主事。著有德庵集。子引叔字延周。崇禎舉人。

國朝湯陰知縣。鄰邑詭寄田賦。釐清積弊。治湯衛二水。患去而利普。邑有冤訟。致千金。斥不受。卒白其事。遷戶部主事。解組歸。著有積善錄。漳野詩集。子呂賜字復齋。自號南阿山人。廩生。居喪三年。不御酒肉。能文章。自命必成進士。兩舉副榜不雋。嘆曰。求人何如求已。歲額及貢。棄去。潛心經史。面壁研精。得理學宗旨。以致良知爲宗主。以慎獨爲工夫。以體用一原。內外兩忘爲究竟。著有四書語錄。易語錄。雜語錄。三禮及詩書史錄。高安朱公軾。海寧陳公世倌。皆稱其得理學真諦。雍正九年端坐卒。祀鄉賢祠。弟呂賦。庠生。九歲失怙。善窺母意。旣授室生子。嬉戲如六七歲兒。母卒。絕粒四

日。既禫。不御酒肉。煖從孫紹叔。字殿周。順治貢生。平涼苑馬寺訓導。克興土習。河字德清。嘉靖進士。戶部主事。明世宗廉其才。命徵涇王祿米。不數日報績。使釐馬房弊。歲省金錢數萬。知兗州贛州知府。發摘若神。有勢宦仇訟。互誣人命。前守積不決。河廉其皆誣。訟遂解。於是訟難白者。造河求決焉。著有漳川集。子樅。萬歷貢生。肅王府教授。躬行禮讓。被容接者。雍然有儒雅風。河族兄弟。演字文敷。成化貢生。少負經濟。瀕仕卒。子永嘉。字可久。族叔海嘗以進士器之。後由正德貢生。除伊陽縣丞。性孤介。恥與世浮沉。致仕歸。子輪。學肖其祖父。嘉靖貢生。永嘉族子。墳。字賡廷。萬歷舉人。河南府通判。有治才。墳從弟圻。字君畿。萬歷舉人。芮城教諭。

志曰。方夢陽在獄。寄海片紙云。對山救我。後世傳爲佳話。王世貞史乘攷異。反復幾二千言。傳聞異辭。迄無定說。明史載海謁瑾。設詭辭說之。瑾意解。釋夢陽。言簡意該。洵稱史筆。呂賜素以文名。所撰續譜。海傳僅據別錄。而弗折衷他說。殆未見王氏別集與。河積學居官。亦海之次。豈無行狀家傳。續譜削而不錄。抑又何也。

趙珂

趙珂。字德儀。漳環邨人。曾祖庸。永樂舉人。秦王府右長史。子履信。生經。皆庠生。經生珂。嘉靖貢生。成都府訓導。以禮讓誨諸生。遷藩志作王府教授。時有王生。不給湯粥。珂贈以米。資衣食。使受業焉。潘誤

珂罷官數年。卒將葬。郡令來弔。盛禮祭。哭甚哀。王生也。王習堪輿學。爲定瑩兆去。鄆縣志。王命。山西安邑人。嘉靖二十六年。蒞任。考其時代。命蓋王生。子希彭。傳國璧。

昌言。皆庠生。昌言子繩祖。字其武。號雍門。順治辛丑進士。工部觀政。尋卒。繩祖文不好奇。得先正法。整屋楊河及弟淵。同領順治辛酉鄉薦。皆繩祖弟子。歲荒。族有鬻女者。贖爲己女。及長嫁之。子煥。

庠生。生驤恒字燕乘。雍正舉人。工舉子業。因父病。兼精醫學。著有選注瘟疫諸書。子景梅字調三。讀書不沾沾章句。而文思超軼。由乾隆舉人。除府谷教諭。子閻子文炳。俱庠生。自庸至文炳十三世。皆庠生。希彭弟希喬字北溪。明萬歷貢生。除南漳縣訓導。遷洮岷衛教授。所在稱善教。夢璧字毓荆。與驤恒爲族兄弟。而分支無考。夢璧乾隆貢生。少失恃。育於祖母。事祖母以孝稱。邑令延主書院講席。從祖弟和璧字秦璽。乾隆舉人。工詩文。弟子數十人。被其沾丐。

丁世勲

丁世勲字欽吾。在城里人。族孫焯。據廟主編列始祖天祐以下。世勲次八世。家貧廢學。同邑張汲憐其才。令與諸子游。從而飲食教誨之。世勲感奮力學爲諸生。師王死。養其妻子終身。由萬歷貢生。

卷之四

五

官鳳翔教授。稱職。卒祀鄉賢祠。世勲嘗拯陶工郭成。成病愈。謝以金。弗受。歲荒。鄰人常寬。盜世勲木。世勲憐其貧。贈粟。戒改行。世勲卒。寬喪服執紼。自述舊德。人始知之。橘亦八世。封渾池知縣。生仕俊。萬歷舉人。知渾池縣。歷遷工部郎中。左遷合州。官名缺罷歸。仕俊爲人淳質無機械。鄉里稱長者。

馬當

馬當字大任。在城里人。五世祖肅。贈戶部主事。生驥。驥。駟。駟。駟。見前志。孫襲吉。當篤於同氣。嘗鬻宅代償兄逋。而自僦屋居。由萬歷貢生。除開州訓導。同官吳瑾卒。當營棺殮。歸其櫬。遷孟縣教諭。諸生趙延慶。貧而能文。當周以衣食。爲婚娶。後延慶與當從孫鳴世同榜進士。語及當輒泣下。卒祀鄉賢祠。開州孟縣名宦祠。孫之駟字三良。庠生。

國朝康熙十八年。遊族子璟永嘉令。畧。值總兵祖宏勲之變。璟死難。之駮冒死歸璟妻子。賊平。陳璟節。獲邀

贈廕。溫處道陳丹赤與璟同殉。之駮並衛其家以歸。或贈以詩。有曰。不難罵賊隨臧洪。直欲存孤同杵臼。非虛譽也。應福字澤吾。騏元孫守愚子。順治間人。富而好施。子璟知昌樂縣。

封如璟官。璟死祖宏勲難。應福哭之慟。既而慨然曰。兒殺身成仁。死得其所。夫復何恨。卒祀鄉賢祠。子璵。璵。璵曾孫衍宗字聖宣。乾隆貢生。璵曾孫朝宗字海觀。乾隆舉人。寧州學正。皆有學行。朝宗官學正。尤能廣其教育。璵字奉璋。號仙菴。順治副榜貢生。初知昌樂。後補永嘉。耿精忠叛。圍溫州。總兵祖宏勲通賊。詐以缺餉。激衆殺副使溫處道陳丹赤。勸璟降。璟罵之。遂被害。賊平。贈浙江布政司叅政。

卷之四

六

予祭葬。廕一子。

勅建雙忠祠於溫州華蓋山。祀璟丹赤。康熙四十二年。

賜謚忠勤。並

御書旌勞。葵忱匾額。榜其祠。璟從父兄凌霄子穎姿字孟敏。隨璟永嘉。賊既殺璟。洵劫縣署。穎姿與僕張義寶。禦賊於門。誓死守。璟家屬得踰垣走。持久力不支。大呼殺數賊。皆死。時年二十有五。賊平。穎姿並

賜葬祭。璟無子。嗣穎姿弟逸姿字隼伯。由廕生除霸州知州。遷刑部員外郎。兵部郎中。權滸墅關。除陋耗。商民便之。遷浙江驛傳道。補湖廣岳常道。調蘇松糧道。遷江蘇按察使。讞大嵐山叛獄。平反。遷安徽布政使。歲荒請賑。多所全活。以事被議。居亳州十年。除直隸子牙河分司。卒於官。逸姿居官三十年。常加惠鄉里。爲十三里

完通賦其最著者。子位字思山。能詩工書法。嘗代張尚書照書九符樣本蒙

恩褒許。充

武英殿纂修。旋卒。著有秋窓隨筆。南垞詩稿。選入

國朝英華錄。及別裁集。逸姿弟碩姿。子傑字秀升。以醇謹稱。事繼母孝。母齋素。母歿。祭必素饌。由廩貢生。除西寧訓導。兩舉鄉飲大賓。碩姿弟慧姿字彥林。康熙舉人。知魯山縣。抑豪強。濟饑饉。民頌其德。罷歸。捐地建靜山書院。藝林稱之。鬪字應房。少從兄驥授書。勤學淹雅。明成化甲辰成進士。授戶部主事。督糧昌平。杜宦寺冒支。由員外郎轉河南按察司僉事。布政司右叅議。清理錢穀。䟽通黃河淤澱。上官交薦其能。轉四川左叅政。時璫勢方盛。乞歸老。朝廷以鬪職業修舉。恬退可嘉。詔以右布政使致仕。時年六十五。優

卷之四

七

游田園以老。蟠龍號松谷。馭孫年二十三。膺嘉靖甲午鄉薦。除保寧府通判。上官廉其能。檄核州縣事宜。臧否取決焉。卒於官。祀鄉賢祠。子自履號後山。醇篤有容。惡少醉侮之。避去若不知。卒祀鄉賢祠。子旻庠生。有善行。無子。嗣兄旻子鳴玉。以鳴玉官贈汾州同知。鳴世字聲希。號岫旭。蟠龍孫。父旻。贈順天府丞。鳴世萬歷丙辰進士。除知洪洞。砌石梁爲渠。灌田百餘頃。民利之。擢御史。巡山東。時魏璫勢熾。爭建祠獻諛。或諷鳴世曰。魯人獵較。奈何違衆捋虎鬚。鳴世弗從。魏銜之。時題差宣大。竟矯命削籍。崇禎初。詔復原官。鳴世抗疏。辨君子小人。莊烈帝深嘉之。遷順天府丞。左右通政。太僕寺卿。在通政疏。請增兵措餉。以討流寇。云廟堂之上。以延慶視延慶。未嘗以全秦視延慶。以秦視秦。未嘗以天下安危視秦。而且誤視流寇爲饑民。識者謂切中時弊。晉副都御史。巡撫操江。尋以

病歸。起戶部侍郎。以母憂歸。

國朝順治元年。流寇李自成據西安。逼降。不屈死。初監軍陳某欲安插南兵於武功。時鳴世家居。以地小民貧爲言。事得寢。邑人懷其德。祀鄉賢祠。著有中丞奏疏。防江疏草。弟鳴玉字聞德。明崇禎貢生。除知柘城。設科條三十五。時流寇猖獗。所過殘破。鳴玉訓練義勇。防禦周密。城獨全。遷汾州府同知。策平汾盜。合機宜。遷汾州府知府。汾有慶成永和兩藩王。素武斷爲民害。鳴玉裁以法。皆斂跡。崇禎十六年。流寇李自成據西安。迫輸餉。不屈歸。自是逍遙林下二十年。著有西園詩稿。班字漢雙。鳴玉子。

國朝康熙丁未進士。除知平山。革恢社鎮商稅千金。再知沭陽。裁城門擔夫稅錢。舉廉。遷吏部驗封司主事。以清慎稱。與修

會典告成。授江南驛傳道。留部未赴。卒於官。鳴玉從弟鳴秋字駿

卷之四

八

聲。蟠龍弟允龍曾孫。康熙貢生。童穉知孝。年十四。就學西安。母疾。思鳴秋。鳴秋輒心動。急歸省母。疾旋愈。遭親喪。卧苦枕塊三年。忘日悲泣如初喪。父國英。撫兄國榮遺孤成立。鳴秋分爨。均已貲。驥伯父貞。十世孫錦字素菴。雍正舉人。知福建寧陽縣。多惠政。士民肖像祀。任五年歸。舉鄉飲大賓。蟠龍元孫章。學於李中孚。未卒志死。見續志。譜無。

志曰。馬氏譜牒。稱驥父肅。力田養親。事兄如父。力有餘。則修道路。橋梁。不愧長者。其子孫代膺顯秩。宜然而捐軀殉難。三世繼美。豈不難哉。穎姿布衣耳。慷慨同愾。卓然與珥爭光。嗚呼烈矣。

楊舟

楊舟字濟川。南里城人。曾祖禮。明初人。孫鑑。生舟。宏治貢生。山西夏縣訓導。善易。撫兩兄遺孤如子。從叔父輝無子。旣葬。修其歲祀。

子秉中貴。封雲南道監察御史。秉中字用之。號南里。正德辛未進士。除行人司行人。奉命封韓藩。例酬使臣金幣不受。王重其操。贈以圖贊。遷監察御史。嘉靖五年。武清民桑謹七人。被盜誣陷。辨其寃。釋之。巡按四川。逕武功。丁父憂。七年。服闋入都。寓真如寺。桑謹七人亦圖秉中容以獻。補雲南道監察御史。直聲上聞。世宗賜御膳官器。寵異之。終以忤權貴。授山西按察司副使。旋乞歸。曾孫師孟。號小樓。少孤貧。跋涉經營。獲錙銖必報母。以博母歡。以子澤。國朝贈崞縣知縣。澤字雲涵。號臨川。明崇禎癸未進士。除知汲縣。遭流寇亂。棄官歸里。

國朝初。除知烏程縣。賦重累民。給照單質。宿弊盡除。以憂去。再知崞縣。崞近直隸。時禁逃匿旗丁。澤嚴保甲。令自首免罪。讞五台山獄。賊黨誣良善。力爲開釋。五年罷歸。著有偶然錄。

卷之四

九

牛兆祥

牛兆祥字朕吉。牛家寨人。宋靖康間。始祖正徒武功。占籍郃封里。傳九世孫經。明宏治貢生。常州經歷。生兆祥。由正德舉人。除開封府推官。有神明之目。遷知昌平州。錦衣衛內監。騷擾絡繹。兆祥僞與交。置酒極歡。暨喜。皆俯首聽指揮。舉廉。遷登州同知。再遷韓王府左長史。貧不自贍。負貸歸。子恒字子占。號槐堂。十歲能詩。嬉戲俯仰皆詩致。嘉靖乙未進士。除知山西壺關縣。政尚清簡。作縣居詩數十首。有汲黯卧治淮陽風。卓異上計。遷戶部主事。支對密雲草場災。謫河間通判。尋遷南京戶部員外郎。除維揚稅弊。再遷河南周王府左長史。輔導諸王。歷二十年無懈心。間作詩歌以寄諷喻。其周府宮詞曰。春殿牙籤萬軸餘。香勻風細綠窻虛。侍兒臨罷誠齋帖。函出先呈女校書。蕭蕭修竹映池寒。分汲銀瓶灌牡丹。報

到花朝開內燕。競持金剪遶朱欄。夜來行樂雁池頭。侍女分行秉燭遊。唱徹憲王新樂府。不知明月下樊樓。叢生桂樹後山幽。花石猶傳後代留。宮嫗引來巖際望。蔡河春漲拍天浮。吹台南下令婆墳。憶昔從王掌秘文。今日綺羅何處是。野花啼鳥自紛紛。恒爲長史在莊敬。二王間。櫟下周元亮。稱詞雖五章。可當夢華錄數卷。所著有九峯樵吟。槐堂集。古文辭集。白閣策筌。子佳字元德。善屬文。以萬歷選貢。除綿竹知縣。明敏有祖風。左遷浙江鹽運司經歷。轉課京師。後期罷。子中兕。生星炖字崑玉。

國朝順治間人。三齡失怙。依母膝下。旣析居。與母偕。母間宿昆季家。則寢食倉皇。母年八十。漸衰瘠。每撫母背。輒悲啼不自禁。子逢慶字原其。康熙選貢。邑令沈華。延教授義學。與修後志。舉鄉飲大賓。孫氏景烈稱武功。二牛氏。歲貢生之璪。才高而文沈雄。選貢生

卷之四

十

逢慶。學富而文雅飭。俱有可傳者。中兕兄中麟。孫衍慶字慶長。順治舉人。除知河南西華縣。水潦傷稼。報減賦額。抑不行。文七上。罷歸。佳弟佶。子中麒字仁徵。明崇禎貢生。工書畫。築室容膝。庭蒔花木。寢食其中。里人多不面。耿志煒與中麒兒女姻。勸其仕。笑而不答。以窮約老。

志曰。牛氏多才。恒尤風雅。讀槐堂集。想見其俯仰焉。白閣策筌惜未見。讀黃東麓傳。爭輝汧東矣。

李文厚

李文厚以子朝綱官。封監察御史。鄉里稱長者。朝綱執法不阿。某自度必得罪。密乞文厚關說。文厚固辭。時謂文厚有子。朝綱有父云。朝綱字振之。號武川。由正德舉人。除知聞喜縣。清介特著。上官某疑其詐。假覈錢穀。突入內室。檢笥中。舊衣書籍耳。朝綱妻方紡

績。竈下炊脫粟。某嘆曰。吾真小人也。首薦之。尋擢御史。巡歷所至。墨吏望風靡。嘉靖間。疏請罷天下中使。遷山西按察司副使。尙嵐道。卒。以清直罷歸。孫國華。曾孫崙生。皆國朝康熙貢生。

耿儒

耿儒字季醇。元末名再成者。從明太祖開國。勲勞死事。追封泗國公。其別支自固始徙武功。兄弟三人。分東西耿。輝爲西耿。永樂貢生。府軍前衛經歷。曾孫堂。贈太平知縣。生儒。正德十四年。與族兄弟朝用同舉於鄉。時號雙龍。除知河津太平。修學校。嚴緝捕。明察無敢欺。舉廉。行取入都。不能俯仰交納。出判廣平府。卒。祀鄉賢名宦祠。子**光前**字爾孝。與諸弟析居。僕婢擇其老者。曰。事予久。樂與侶也。田土分其瘠者。曰。予所置也。衣服器用取其舊敝者。曰。予所

卷之四

十一

習用也。邑人稱其義。舉鄉飲耆賓。子評。萬歷貢生。贈吏部文選司郎中。子**志煒**字明夫。號孟諸。萬歷癸丑成進士。除荊州推官。荆地瀕江。患漸洋二洲水害。志煒築堤三千餘丈。人咸樂業。稱曰耿公堤。荆有湖田。民久業。福藩請益采。下其議。撫臣梁某議如所請。志煒不從。某怒。將以違旨劾。辯益力。竟得寢。遷吏部主事。文選司員外郎。天啟初。魏璫用事。歸里。杜門不出者八年。崇禎初。起文選司郎中。莊烈帝書其名示輔臣。曰。耿志煒清公。任勞怨。可久任也。會推閣臣。尚書王永光意主溫體仁。囑志煒署名。濡筆強之。志煒正色曰。閣員豈徇情之具。私寓非考相之所。投筆出。尋遷翰林院提督四譯館。太常寺少卿。以母老乞養歸。值流寇猖獗。志煒激邑人忠義。登城固守。城賴以全。崇禎丁丑十月五日。有星隕於門。越二日卒。邑人懷其德。祀鄉賢祠。更建專祠以祀。著有怡園新詩。和元

韻詠懷詩。子獻忠字伯長。崇禎選貢生。除元城縣主簿。累官廣西巡撫。

國朝順治初。分巡閩。官名志譜皆缺時明唐王朱聿鍵初平。執獲首功。不

辨珉玉。獻忠訊釋數千人。除廣東布政使。時李成棟鎮廣東。任武

健。摧折士大夫。獻忠警成棟。粵東世族多獲保全。順治五年。成棟

以廣東叛。附明永明王朱由榔。獻忠事見明史。朱天麟傳。順治九

年。授廣西志作廣東巡撫。未涖任卒。子啟乾字子元。庠生。明末荒旱頻

仍。啟乾煮粥施賑。復買棺掩遺骸。人稱其義。光前弟光範。元孫星

字天章。學工制藝。年三十。猶應童子試。康熙己卯。學政陸公德元。

聘舉人。錢可大閱試卷。知星閱武功卷。得佳文。拍案曰。必耿君也。

陸折卷果星。由是名大著。由雍正貢生。肄業國子監。客死都中。朝

用號兩泉。父雄。爲東耿。生朝用。正德舉人。知盱眙縣。以仁厚清廉

卷之四

十二

著。遷濟南府通判。霸州知州。祀霸州名宦祠。兄字子進。字德寵。某

竊進粟。猝遇進。進曰。卽貧何至是。某惶伏。進遺竊粟。遣去歲稔。焚

貸卷盡。皆人所難能者。舉鄉飲賓。孫瑩然字碧若。崇禎舉人。

國朝初。除岐山教諭。遷獲鹿知縣。平田賦。清訟獄。吏嘗以金斥之。

時禁匿逃旂。律連坐。委曲辯理。多保全。眞定營卒擾鄉。曲制以法。

皆斂跡。近山多嘯聚。選鄉勇擒捕。悉解散。子獻忱。曾孫汝恭居城

東街。乾隆丁丑。母閔卒。寢苦三年。己卯冬。葬母河東二水寺。晝理

家計。夜宿墓側。又三年。獻忱弟獻極字建公。庠生。性豪邁。喜惡人

難。而涇渭自分。舉鄉飲介賓。孫性良字醇夫。工書法。敏於文。科試

五經。專經者瞠乎後也。爲諸生。與孫氏景烈齊名。同受知於邑令

楊毓芳。以乾隆選貢卒。毓芳聞其喪。哭之慟。瑩然兄子獻可字君

若。庠生。應歲試。榜未放。學政令自信者領卷。諸生率遂巡。獻可詣

院曰李生第一。生次之。學政喜其氣度曰。眞秀才也。終康熙貢生。志曰。志煒進退從容。綽綽有古大臣風。觀其見幾寺禍。杜門八年。未嘗不爲楊左諸君子惜。而後裔凌替。落落無所表見。東耿無顯宦。瑩然清介。克述父德。俾子孫詩書承繼。代有傳人。朝用家聲。賴以不墜。豈不賢哉。然而鄉人稱耿氏賢者。必首曰耿太常。

魏河

魏河字本澄。戴家坡人。嘉靖舉人。除常州府通判。議甦江陰縣江田逋賦。丁內憂歸。復補大名府通判。六世孫蒞。

國朝康熙舉人。洛川教諭。善書。子正宗。

贈興平縣教諭。家貧。飯食炒豆一掬。學益力。子焯字伯明。乾隆副榜。除興平縣教諭。課諸生。先性理。次文辭。錄大學衍義。誦之終身。遇春秋廟祭。前三日。不飲酒。不茹葷。如古齋禮。

卷之四

十三

楊纘

楊纘字喬昔。北關人。始祖恂。明洪武間由固始遷武功。十世孫立。嘉靖貢生。曲沃訓導。生纘。有學行。嘉靖舉人。會試卒於京師。嗣兄續。子庠。生壘。生汝智。庠生。鄉飲耆賓。子懷瑛。亦庠生。鄉飲介賓。以子季昌官。

國朝封松陽知縣。季昌字九如。順治辛丑進士。吏部觀政。出爲松陽知縣。稱能吏。以親老乞歸。善書法。工詩文。著有江遊集。海東秋吟。箋雲樣槎。嶰雲集。子鳳翥。亦庠生。續七世孫滋甲字特生。未嘗學問。孝悌性成。居親喪哭泣痛及鄉鄰。

張海

張海世居興城里。七世祖盛。元大德間人。元孫敬。明洪武間人。生海。海天性朴厚。嘗市肉。屠給衡數。信之。某掘地得金。誤以易鋤。海

篤行士。榮弟樞字斗垣。明天啟選貢。山西絳州同知。攝蒲州事。以廉正稱。大學士韓爌家居。重樞。韓奴橫。亦懲以法。卒祀鄉賢祠。子承煜字魏卿。樞遺腹子。

國朝生員。博雅多聞。鏞字伯始。號漆濱。嘉靖戊子。與弟鍊同舉於鄉。時號雙鳳。鍊早成進士。或勸鏞謁銓曹。鏞曰。千鈞之弩。寧摧撞折牙。不能學羣兒彈射也。壬戌亦成進士。距鄉薦三十五年矣。除知曲沃縣。裁青衣皂隸。夫馬徭役冗費。三千金有奇。邑豪占丁役一里。取值歲數百金。鏞革之。與豪忤。豪搆中傷。鏞謫汝寧教授。遷黃州判官。兩淮鹽運司判官。大理寺評事。時有誣刃殺叔者。鏞力辯得白。顧其叔富室也。關節於主卿。主卿又張居正姻婭。以是沮抑。甫遷寺副。卽出爲蜀王府左長史。以病歸。心切施濟。有德於鄉人。卒祀鄉賢祠。子汲字不棄。萬歷選貢。休寧縣丞。清介不避權貴。

卷之四

十五

邑豪率白眼。汲曰。居官而爲人奴隸。非夫也。拂衣歸。武功廟學祠宇。漆渭橋梁。皆汲倡修。復置義塚。建浮屠。著有南遊稿。仰濱樂府。以子相官。贈邱縣知縣。子臬。相橋。材。臬字汝陳。爲諸生。以文名顯。與弟相橋。號關中三鳳。前後提學重其文。屬專纂陝西陵墓志。泰昌選貢。著有二水山房草。無子。嗣弟相子文熙。以文熙官。

國朝贈高邑知縣。文熙字存白。年十六。充縣學生。與族弟爌。同明崇禎舉人。

國朝初。除知高邑縣。政尚簡易。工古文辭。與修陝西通志。所著有嶰谷集。旅遊草。武功縣續志。子封字公慎。事繼母孝。由康熙貢生。除山西臨汾縣丞。著能名。歸開青玉閣。會詩文。工繪事。三舉鄉飲大賓。著有蜀道吟。浪遊草。平陽紀咏。封弟增字仲謙。順治舉人。知安仁縣。充康熙丁卯科同考官。能得士。增弟子金門。庠生。以孫廷

榴官。

贈枝江縣知縣。無子。嗣兄金輅子演字法聖。家貧。事嗣母備甘旨。母卒。鬻產。葬。產且盡。或勸之。泣曰。親恩罔極。我能自盡者此耳。違爲後日饑寒計。子廷榴卒成進士。以廷榴官。

贈枝江知縣。廷榴字安石。乾隆辛巳進士。知枝江縣。疑獄苦株連。廷榴訊得魁。寃盡釋。邑瀕江。殺人輒投尸江中。嚴懲曲諭。風乃息。江岸善崩。居人危之。程工修築。民獲奠安。在官六年。以母老乞養。歸。相字爰立。萬歷選貢。知邱縣。有惠政。官四年。以父喪歸。不復仕。或勸之。喟然曰。二親膺封典。吾志畢。寧復爲五斗米折腰。著安雅堂草。祀鄉賢祠。子文燿。生埏。

國朝庠生。埏曾孫徽楷字伯模。父早卒。祖蒲錫疾。爲嘗糞甘苦。邑宰楊毓芳旌其門。問作詩歌。語奇偉。畫亦有致。文燿弟文熊。庠生。

卷之四

十六

子埏。亦庠生。埏以孫洲官。

贈修仁縣知縣。無子。嗣弟埏子金直字柁一。庠生。生九齡。葬埏。哀泣如成人。博聞善記。爲人長者。舉鄉飲介賓。知子洲才。督課嚴。洲卒成進士。以洲官。

贈修仁縣知縣。洲字萊峯。號南林。少爲諸生。文名藉甚。肄業關中書院。與大荔李法。武威孫輔。吳堡賈天祿。雒南薛宁廷。韓城王文端公杰。倡爲古文學。時孫氏景烈主講席。稱爲關中六士。乾隆丁丑成進士。除廣西修仁縣。解緬甸軍需馬。辦兩月。遭父憂歸。服除。銓知浙江德清縣。兵部員外郎周。浙江布政使徐戚也。索厚饋不與。遂構洲。旣泣任。清積訟。辨舉人蔡三辰寃。縣瀕太湖。爲盜藪。正月朔。出其不備。捕獲盜首十三人。徐上計殿。調簡改教授。乞病歸。主講嶧縣膠州書院。洲少肆力古文辭。論者謂直接對山空同諸

君子生平游歷西至蜀南極粵往來吳越楚豫燕趙而終老於齊山川助其氣勢憂鬱佐其謳吟卓乎自成一家人言所著有對雪亭文集十卷詩集六卷詩餘一卷論語講義一卷詩經講義一卷洲生平謹言文辭亦不輕作子樹楠外舅陶爲妻乞壽言却之文熊弟文烜字印白年十七值明季流寇入關索餉急文烜爭免十九與人交周急無德色子墀生金爐字仲鼎雍正舉人淹貫經籍好班扶風范華陽書文章有兩漢風老舉鄉飲大賓金爐弟金印無子嗣兄大猷子瀚字浩然乾隆貢生喜作記傳表章邑人潛德與孫氏景烈爲文字交互相質也有清白裔或誣爲奴邑宰偶咨瀚事得白墀弟堪字子敬庠生家素裕歲饑輒出粟濟窮乏子金綬字子章庠生尤樂造就後學出資爲里黨延師且給衣食焉橋字叔濟號元珠明萬歷癸丑進士授行人司行人奉使朝鮮卒於道

卷之四

十七

著有南遊詩失於兵燹子文煜庠生生壩

國朝順治間人子爵錫字天秩幼失怙恃家寢衰歲饑不及葬隨母就食外家扶風母旋卒亦厝焉年十餘歲歸里迎母櫬同父合祔如禮以孫玉樹官

馳贈膠州知州子書紳字公佩少歷貧窶嚴冬草閣不蔽風雪置足藁楮中讀不輟年逾五十以乾隆選貢老教子玉樹成進士將謁銓部書紳訓之曰爾民父母也爾視民如吾視爾則民視爾自如爾視吾矣玉樹卒以循吏稱以玉樹官

贈膠州知州玉樹字德潤號蔭堂少從父讀遭際艱難而學問固旣成進士教授齊河令署究心吏事而治法精乾隆甲午攝知清平縣時叛賊王倫陷陽穀北躡去清平三十里邑無城民洵懼玉樹趣繕防禦鳩僕役公服懷印示必死民心以固賊平卽真首建

書院義學。教樹桑柁。調劇嶧縣。地衝役重。而秣役馬。輸官煤。濬益口河。及運河。緯夫。尤爲民累。泣任十日。悉罷之。旣而河決絕。運道漂沒。廬舍無算。玉樹詳報請恤。檄截留糴米濟寧。濟寧距嶧二百餘里。乃假數千百金。倍糴黍粟。加額以賑。徐糴漕米酬假欸。是役也。省運費。無需時。民得黍粟。數倍南米。其利普焉。舉廉。遷知膠州。某生素通胥吏病。民間玉樹至。懼而自裁。於是豪強斂跡。遷知濟寧州。一年。再遷雲南臨安知府。首罷供支夫馬。次興學校。修水利。復義倉。士民感被。滇多私鑄。儲粟者藉以居奇。錢價日增。置城鄉錢米二局。米局假千金。糴米備糶。錢局貯制錢。收私錢。民間私錢滯塞。樂易制錢。錢價定。米價自平。有疾。耆民八百餘人。祈社減算以代。旣卒。農夫村媪。更番哭奠。復肖像建祠以祀。及行。選丁壯備糗糧。舁柩歸武功。傾城哭祖道。白衣冠如霜雪。一時有雪滿臨城。

卷之四

十八

之謠。玉樹事親孝。居喪倚廬三年。及官嶧縣。煮粥施賑。嶧當

南巡蹕道。期迫。賑未畢。趨役次。夢父告曰。民饑奈何。驚覺。馳歸葺賑務。著有恒訓閣志學錄。存辨錄。秦賢彙集錄。各二卷。惕終齋日記十四卷。詩文抄存二卷。叔銘紳。字又新。監生。善持家。減衣食。佐兄讀。撫玉樹慈愛逾於兄。玉樹視猶父。及官嶧縣。

貶贈如已官。鍊字伯純。號太乙。嘉靖甲辰進士。由行人司行人。遷刑科給事中。齊東有紅羅女。田斌變。巡撫何鰲匿不聞。鍊特疏發其事。世宗震怒。下鰲獄。鰲黨嚴嵩。高鍊鍊知陝西總督。曾銑才。與

大學士夏言議。俾開府西陲。圖復河套舊疆。嵩與言有夙隙。誣殺言。及銑。更責諫垣。各予杖。鍊被杖幾死。出爲湖南按察司僉事。湖南士大夫稱最。歸里四十餘年。置義田。周族黨。年九十一歲。卒。祀鄉賢祠。著有太乙稿。經濟錄。雙溪樂府。太乙詞抄。孫珠元孫維紳。

字四持。乾隆貢生。讀書觀大意。而工於文。嚴正不妄交。舉鄉飲大賓。維紳從祖弟。潔字進菴。庠生。亦工於文。然而數奇。族兄演善數。屢阻其試。潔憤甚。卒不第。以授徒老。珠弟琳子。爨字君闇。性豪邁。讀書遇古忠孝。輒掩卷揣其情狀。與從兄文熙同崇禎舉人。

國朝順治元年。流寇李自成僭偽號西安。某舉爨才。賊嚴檄招之。不應。劫致授僞職。又不從。置諸獄。大罵。賊怒。毆爨仆地。不食死。續志缺載。事詳家譜。覈死年符明史。據譜增入。

志曰。海以力田起家。傳數世。科第聯綿。簪纓繼起。列名膠庠者。且百數十人。巍然爲郃邑巨族。而鍊之直。爨之烈。洲之文章。玉樹之政事。尤爲表表可傳。余嘗讀其譜牒。至海追還遺金。儒珍負母骨。逆旅。輒爲之慨嘆不置云。

尚薰

卷之四

十九

尚薰字德馨。尚家坡人。父達。明巡檢。贈工部員外郎。薰與弟芳同領嘉靖甲午鄉薦。薰甲辰成進士。知襄陵縣。興除宜民。遷南京工部主事。再遷工部員外郎。分遣雲南。開局鼓鑄。未幾歸。卒於家。芳爲諸生。讀書善慶寺洞中。貧無書。借書遍錄。悉能記誦。後知滎經縣。薰孫承業字克承。號九崖。亦與兄子聘同領天啟甲子鄉薦。除知石城縣。僧訟失金。承業曰。僧金非外人所得知。按之果僧弟子。發金千餘兩。左右勸入官。承業曰。僧被盜而我得金。是二盜也。卒予僧。監生某。兄弟構訟。爭餽厚賂。斥不受。仍勸諭友愛如初。邑俗爭墳山。積牘久不決。承業親勘。立與清結。官六年。民立祠以祀。聞流寇亂。告歸。卒於道。聘字應三。工詩文。善繪事。除知河南鎮平。緣事謫常州照磨。

國朝順治初。除寧國府知事。承業子聰。號小崖。順治己亥進士。知

山東陽穀縣。

李時吉

李時吉字惟亨。在城里人。先世自固始遷武功。以德新爲始祖。七世孫思恕。封山西按察司副使。生時吉。性樂施與。歲饑。鄉里乏籽種。傾庾分給。明年倍其償。辭不受。弟時芳字惟榮。號兩山。萬曆甲戌進士。戶部主事。監倉塲。舊衡投數金不起。易新衡。錙銖悉應。出知河南府。以經術飾吏治。列劾薦三十六疏。遷山西按察司副使。尙嵐道。地近邊墻。修城堡。厲卒乘。墾營田數千畝。再遷山西按察使。丁憂歸。著有兩山詩集。弟時茂字惟實。萬曆選貢。除開州判官。善折獄。遷河南府通判。時闖寺競開礦塲。激茆兵變。時茂單騎往諭。執渠魁。餘悉解散。封嵩縣永寧。盧氏一十三礦洞。遷知雲南劍川州。俗多跣足蠻服。浹月革其舊。釐正三十年丁賦。得編匿丁九

卷之四

二十

千。徭役以均。子可楨。天啟舉人。崇禎八年。流寇高迎祥畧武功。殺可楨於路。時芳子。可植。字在敏。崇禎庚辰進士。知眞定縣。改補翼城縣。會流寇亂。棄官歸。

國朝順治初。除知上猶。辭不赴。未幾卒。時吉子。可材。字用吾。順治庠生。善醫學。舉鄉飲賓。可材弟。可棟。字在美。順治貢生。博學工書法。兼精篆隸。叔時茂卒。其子奔喪劍川。可棟跋涉數千里。同扶櫬歸。

弓鉞

弓鉞字汝虔。明初。始祖寬。自邠州徙武功山邨。好施濟。生子仁。官授秦王府典膳正。生鉞。隆慶貢生。除德平教諭。遷蘭州學正。再舉鄉飲大賓。晚年寓長安。亦再舉長安鄉飲大賓。孫之秦。

國朝庠生。復歸武功。孫文煥。字天章。家素貧。無子。力作供弟冲漢。

讀。沖漢卒。撫其子賜彤。日事隴畝間。曰。弟子猶吾子也。沖漢庠生。賜彤亦庠生。賜彤子峻登。字極之。乾隆舉人。好古文詞。喜方畧。嘉慶初。川楚賊劫掠山外。武功騷動。峻登鳩衆堡守。遠近效之。鉞兄子旣毅。贈成都通判。子耀。字騰輝。萬歷舉人。除成都通判。時值明末。盜賊哨聚。標掠。耀設計擒獲。居民安堵。遷知山西永寧州。盜謀襲殺。耀聞之曰。吾愛民。何畏盜也。盜卒不敢發。任永寧。務崇學校。鉞兄弟六人。兄統銳子孫。多徙居長安咸寧。有舉人射斗不中。不隸武功籍。

郭內俊

郭內俊。字見心。洛陽邨人。始祖子寧。宋代自固始遷武功。八世孫榆。生內俊。萬歷舉人。貧而好學。知單縣。務實政。子如嶢。鄒縣丞。榆叔世良。元孫容兆。字衆康。

卷之四

二十一

國朝監生。考授州同。愛弟容庠。弟卒。撫弟四子皆成立。以子綸官贈成縣訓導。容庠孫慎行。字敏夫。乾隆舉人。著學庸知解錄。除鎮安縣訓導。未赴卒。

朱國楨

朱國楨。字翊明。川口人。始祖錦。元奉議大夫。阿魯府左長史。六世祖鑑。元孫光裕。明萬歷貢生。肅州衛教授。生國楨。治尚書及左氏春秋。萬歷丙辰成進士。知山東壽光縣。邑災蝗。緩稅息徵。給牛種。令捕蝗百石。賑粟百石。立格旌賞。於是逃民復業。子運豐。

國朝康熙貢生。事母孝。能文章。子晟。康熙舉人。運豐兄子。晟。庠生。工詩。著有敬齋草。崔昭稱其大言炎炎。深詣理窟。蓋不徒以詩鳴者。

黃建極王鑰

黃建極字表中。號東崖。顯義里人。天啟舉人。知在平縣。縣有巨盜嘯聚。乃禮結士人。廉盜所潛伏。出奇計。置諸法。察廉。行取入都。未及行。值

大清兵東下。城陷。刃其女。乃自殺。後蒙贈恤。見明史忠義傳。所著有守城庸言。五十四篇。子御袞字仲補。弱冠隨父在平。父殉難。哀痛悲號。拮据數千里。扶柩旋里。由

國朝康熙貢生。除鳳縣訓導。倡諸生修廟學。勤講課。董修鳳縣志。孫虞臯字元弼。雍正舉人。知山西鄉寧縣。縣產鐵。業炭窑千餘家。苦胥吏需索。首禁之。隣縣饑。檄撥運常平穀賑。額不足。輒買穀協糶。雹傷稼。出俸錢給籽粒。而後報聞。僧某掘地得金。議判入官。不從。給僧飾寺。弟虞夏早世。撫遺孤。鑑銘如巳子。鑑字子虛。父虞夏賈蜀新都。客死。葬義塚中。時鑑方數歲。乾隆壬午。舉於鄉。麻衣草

卷之四

二十二

履。匍匐新都尋父柩。荒塚縱橫。杳無踪跡。刺血漬枯骨。遍不得。則繞冢悲號。困頓中。若有人示以地。旋得碣土中。姓氏里居無訛。復刺指血滴骨。血滲入。遂棺殮歸葬。秦蜀人皆稱黃孝子。除山丹教諭。

贈虞夏如其官。遷寧夏教授。嘗教諸生曰。人之所以爲人者。忠孝而已。舍此何以爲學。

王鑰字北門。高望川人。祖永裕。嘉靖貢生。寧鄉教諭。生悅言。萬歷貢生。韓王府教授。生鑰。崇禎舉人。嘗夢神示以鏡鑑及終身。既醒述之。而不言其終。除中牟教諭。遷知文安縣。爲政忼爽精勤。十一年。

大清兵由喜峯口南下。鑰鳩衆城守。身率同官。親當矢石。七晝夜。矢盡援絕。城陷死之。其同官主簿山東安衡。典史河南湯國紀。訓

導河間郭養性亦死焉。事聞贈尚寶寺卿。蔭一子入監。國朝崇尚節義。纂修明史。載忠義傳。鑰祀文安名宦祠。而武功鄉賢典闕。曾孫植。病將屬纊。語其戚張氏洲。爲作記傳。因次其事而爲之贊曰。志士忘身。貞臣死事。溫序周苛。風傳奕禩。嶽嶽王公。疆邑守吏。傾厦曷支。厥衷罔異。殫力及旬。之死勿二。身與城俱。舍生嗜義。苟生者徒。覩面而逃。繫誰無死。死等鴻毛。惟公氣意。企古賢豪。太史執簡。金管揮毫。書事書名。爰詔後世。白日流光。秋霜彌厲。聖主旌忠。勸來報往。俎豆桐鄉。牲醪斯享。亦有在平。臣節不爽。比時同輝。郤原莽莽。凜烈英風。我民慨想。梓里可祠。茲邑攸仰。志曰。我朝王師撻伐。天下無敵。雖有孫吳。安所施其知哉。鑰與建極。不量螻臂。城破之日。甘心一死。雖違

卷之四

二十三

天命。可謂忠矣。鑑漬血枯骨。忠孝萃於一門。建極有孫哉。鑰後嗣不顯。而植拳拳祖德。至屬纊不忘。悲夫。

焦國鼎

焦國鼎。河道里人。父萬倉。國鼎沉重寡言。早歲爲諸生。杜門績學。明崇禎末。出穀賑饑。後避流寇亂。爲賊所獲。賊有識之者曰。此焦公也。何可犯。送還里。

國朝封刑部郎中。祀鄉賢祠。子勤。字魯生。順治舉人。知臨桂縣。遷刑部郎中。扈從南海子。奏對稱

旨。命恤刑兩廣。多平反。擢直隸按察司僉事。并陘兵備道。有惠政。遷江南布政司叅議。丁內艱歸。哀毀踰禮。嬰沉疾。猶扶病事父晨昏。初官嶺南。妻劉卒於家。終身不再娶。分兩弟宦遊餘金。無所私祀。眞定名宦邑鄉賢祠。子映漢。字雯濤。由監生除知巴縣。康熙十

九年。譚宏叛。映漢募鄉勇。捍禦全城。卓異。遷刑部員外郎。出守平樂。調慶遠。撫馭獷狁。巡撫彭鵬。舉廉。晉雷瓊道。映漢宣揚

聖諭。導民向化。邱文莊濬。海忠介瑞。瓊產也。風節冠一鄉。遺文散佚。倡粵人重刊。遷江蘇按察使。會總督與巡撫不協。並誣映漢。落職。久之。獲昭雪。改廣西按察使。卒。弟映龍。字卧雲。康熙副榜。工詩古文。少倜儻。廣交遊。有豪放不羈之目。既而杜門三年。更精性命之學。學者稱卧雲先生。著有拾遺集。子世爵。字紹菴。爲映漢嗣子。映漢被誣落職。八年。時世爵以例貢生。需次銓部。弗忍仕。匍匐險阻。萬狀。旋遭父喪。服闋。除知霍邱縣。邑有竇宦訟產。托巡檢某懷金關說。世爵笑且吟曰。年來酌水惟明志。夜靜焚香可告天。某慚退。四年被劾去職。勤弟子映岱。字春瞻。早喪母。事父以孝聞。由康熙選貢。除華亭教諭。攝縣篆。政教並著。孫士範。字玉成。深沉有容。

卷之四

二十四

地隣某。誣其侵佔。度地。鄰實侵佔畝餘。士範曲爲解說。釋其慚。讀書早慧。年十六。充生員第一人。以貢生老。映岱弟映恒。孫繼烈。乾隆副榜。貧而好學。授徒得修金。付弟供家計。妻子無所私。鄉里稱友愛。

張氏洲曰。焦氏宦者三世。顧類皆坎坷抑塞。然所在民思。抑班氏所云。在官無赫赫之蹟。去後常使人思者。是與非與。

李栢李繼明程登科

李栢。在城里人。以耕讀傳家。訓諸子曰。勿分爾我。勿蓄私財。勿聽婦言。惟力田業。儒。永守家法。傳友庚友甲。友甲無子。友庚傳璫。璫皆庠生。兄弟恪守祖訓。合爨終身。璫傳生馨。生馥。俱庠生。璫傳御芬。御芳。御芳。庠生。生馨。修明家法。簡御芳掌家政。早夜勤劬。歷數十年。財用無私。兄弟子孫咸俯首聽命。生馨傳修。生馥傳馥。彰。參。

御芬傳倬。修庠生。家政聽於倬。雍正十年。參倬俱存。當是時。修傳含英。康熙丙子舉人。傳子作士。庠生。是爲李氏大宗。含英弟含芳。傳作弼。毓傳含哲。庠生。次含謀。傳作善。彰傳含睿。含錦。含睿貢生。傳作楫。作棟。作梁。參傳含義。含元。含元傳作仁。倬傳含輝。次子含澤。爲御芳嗣孫。子孫衆多。咸聽命於倬。邑令上其事。

欽賜御書匾額。曰敦睦可風。含英字秀初。官海寧知縣。清介自持。罷歸。行李蕭然。亦足徵其家範。

李繼明。崆峒邨人。始祖李孟春。孫自誠。生繼明。繼亮。順治間人。兄弟不異爨。繼明傳長興。長隆。繼亮傳長泰。長美。四傳至元孫。五服親盡。猶恪守祖訓。不分析。時長美有六世孫瓜兒。蓋七世同居云。程登科。長寧舖人。父英。生登科。登第。父卒。登科傳良。良傳樹芳。歷秉家政。登第傳和。和傳樹賢。樹積。樹善。或讀或耕。或賈。皆勤苦助

卷之四

二十五

家計。嘉慶十八年。樹善及樹芳子式存。孫曾蕃衍。式及樹善。能聯以雍睦。不替其家聲。

志曰。栢家訓善矣。然非生馨簡才授政。統馭有法。又何以歷久不衰。繼明登科。事多未詳。而合居數世。與生馨競美。故附栢後。以觀家政焉。

楊鑄

楊鑄字大冶。菜園堡人。始祖廣。明洪武間。由河南固始。遷居武功。鑄廣十世孫也。

國朝順治間。庠生。幼孤。事母六十餘年。逕馬嵬坡。拾李姓遺金。訪還長安。舉鄉飲介賓。將卒。焚借券。謂諸子曰。爲汝等消過也。子一漳。一湖。一正。君寵。以一漳官。

贈中書科中書。一漳字子淵。增貢生。除膚施縣教諭。遷知廣西昭

平縣。釐清逋賦。以德化盜。盜自革。擢中書科中書。授九江知府。子佐龍。字熙載。庠生。援例除四川樂至知縣。有惠政。丁父憂歸。著有惜陰堂文集。子本立。字茂園。乾隆選貢。除潼關廳訓導。遷知廣西靈川縣。再知湖北宜都。讞江陵監利獄。以平允著。擇地建清江書院。士多稱之。將卒。以父有修理祖廟捐書院膏火夙志。命子肯堂竟其事。肯堂既修祖祠。復捐銀四百兩入綠野書院。可謂善繼述矣。一湖。字子善。恂謹自飭。家庭坐立。地有定位。急公事。雖勞瘁不辭。

贈雷州府知府。子躍龍。字來田。子本仁。官陸豐知縣。訓之曰。進一飲食。當思下民脂膏。予民一杖。當思父母慈祥。卒。

贈雷州府知府。本仁。字銘西。號槐亭。少篤於學。農忙荷農器歸。及家不知。觸門駭然。家人皆笑。乾隆壬申成進士。除知廣東陸豐縣。

卷之四

二十六

善折獄。書院湫隘。本仁捐俸倡修。增膏火。更立章程。時李公侍堯總督兩廣。本仁特邀賞識。調劇高要。值平糶期。高要額三萬石。本仁載錢赴墟。民價糶。糶且運。三墟邑人喜其平。請代糶。大吏廉有聽訟才。疑獄輒委之。某訟某。糾衆伐山樹。某爲証。本仁曰。訊証足矣。訊曰。汝何生理。曰。小經紀。幾時見伐樹。曰。凌晨。幾時止。曰。將暮。本仁怒曰。某伐某樹。與汝無涉。何故自棄其業。自朝至夕。甘受饑餓。某無詞。乃服。獄遂決。察廉。遷雷州知府。以父憂歸。服除。補韶州府。時巡撫李公湖。嚴督保甲。獲英德竊盜九十餘名。將置重法。本仁抗論再三。乃從輕典。遷高廉道。以疾歸。本仁居官二十餘年。自奉儉約。勤於民事。折獄尤著明察。故所治皆稱其賢。一正。字在滙。庠生。援例除知真定縣。遭喪歸。復除知館陶。康熙六十一年饑。勸富戶。貸穀數千石。次年官責償。不動倉儲。貧民以濟。察廉。以知州

知蓬萊縣。攝知福建龍岩。尋知福清。逋賦積十餘年。設順里滾催法。兩月賦清。獲盜繫鈴盜項。令偵二盜自贖。展轉緝捕。盜風遂息。遷延平知府。調漳州知府。緣事。擢刑部主事。復緣事。除光祿寺署正。閒曹冷署。處之淡如。君寵本名一浚。字子予。康熙舉人。知廣西陸川。俗多訟。君寵按以法。奸民斂跡。罷歸。善丹青。潑墨遣興自娛。

黨允福

黨允福字澤吾。南莊人。始祖麗。歷十五世。時代無稽。以士清士廉爲一世祖。士廉明初人。子良。端。整。端見前志。整子資壽。資美。資壽八世孫允福。居鄉樂施濟。

國朝乾隆間。舉鄉飲耆賓。子喬齡監生。亦鄉飲介賓。嘉慶十八年。喬齡年九十二歲。子黃瑞。武生。年六十五歲。孫金鎔。武生。年三十九歲。曾孫永祥。年二十一歲。元孫繩兒。年四歲。五世同堂。遵例申

卷之四

二十七

報。資美八世孫銳字衛廷。附貢生。事親孝。從父兄銓。卒於江寧。跋涉數千里。扶柩歸葬。銓母薛。有姪國寧。貧無依。爲置家室。養之終身。性樂賙濟。藥米隨時。老弗倦。以仲子行義官。

貽贈山丹教諭。季子振聲字健菴。好學能文。乾隆選貢。除華州訓導。志遠大。日與諸生會文。師而友也。得猝疾卒。

崔襟海

崔襟海字滄洲。在城里人。原籍固始。可考者自一世祖受始。受六世孫柁。生襟海。順治庠生。幼失怙恃。長好學。有聲鄉校。弟子多成名。同邑副榜焦映龍。選貢焦映岱。舉人閔文翰。族子昭。皆其選也。柁從父兄弟杞。生襟漢字雲倬。亦順治庠生。善說經聞者解頤。母卒。兄弟遠客。將葬。大水及舍。伏柩號痛。幸不湮沒。及葬。徒跣泥淖中。遂病濕腫。著有四書輯義。子昭字孟宣。康熙舉人。博學能文。與

修陝西通志及武功後志除葭州學正。

孫國良

孫國良字必聖。城西街人。先世自固始遷武功。可稽者自繼元起。繼元生國良。康熙庠生。年十八有聲學校。事親食必甘旨。親卒祭必涕泣。產僅中人。遇貧乏。量力周給。性介。偶疾。同學馬鳴秋贈藥資一金。謝不受。子起相。生鎮。鎮子景烈。字孟揚。號西峯。幼竒穎。乾隆丙辰會試取明通榜。除商州學正。已未成進士。改翰林院庶吉士。散館授檢討。次年

廷試不及格。以原官休致歸。其將爲學正也。時

上命舉賢良方正之士。官令長。陝西大吏首舉景烈。景烈以不得與會試辭。乃以六品頂帶爲學正。教諸生。闡發經義。究義利之辨。州人士競相勸學。自休致歸。貧益甚。居常惟母劉甘旨無缺。餘僅

卷之四

二十八

日一食。而一室雍雍。不聞交謫聲。景烈主講關中書院者三。臯蘭書院者一。與總督尹文端公繼善。巡撫陳文恭公宏謀。講求教育人才之道。歲戊辰。

上命舉經明行修者。陳文恭公以景烈應。雖格部議。文恭自謂所舉無愧。景烈於學。以濂洛關閩爲宗。其論制義曰。業文而篤於行。明經而致於用。其言理學曰。理者性之所主。氣者性之所兼。天不命氣。而氣數亦謂之命。亦理不離氣之義。其爲文章。少時多竒氣。其後一以發揮理蘊爲主。所著有四書講義。關中書院課解。蘭山書院課解。西麓山房稿。滋樹堂存稿。郃陽縣志。鄠縣新志。郃封聞見錄。菜根園慎言錄。館課焚餘錄。孫氏族譜。弟景昌字仲揚。爲叔祖起良嗣孫。乾隆副榜。狷介慎取。與終日默坐。侍嗣祖母王疾。令出休。俟寢門外。不歸。

志曰。孫氏郃陽鄠縣志。皆依據康氏志例。而篇目間有改易。郃封錄標目七篇。亦刪祠祀而增藝文。地理一篇獨詳。人物多康氏志及續志後志所已錄。增者數人。文未成篇。而徵引繁富。足資採擇。餘則搜輯未備。其自叙曰。予世籍郃封里。遂以里名名其所錄。不曰武功者。欲自別於武功縣志云爾。又曰。武功沿革。自康氏作志。得其實者半。失其實者亦半。意在補正康氏遺誤。而儲材備用。書卒未成。惜哉。

高元介

高元介字介菴。河道里人。祖起志。生光燿。光學。光燿生元介。康熙壬申辛丑間。歲饑。稱貸濟貧乏。不繼。勸有力者出粟。里人感其惠。以孫迥官。

贈福建順昌知縣。子益讓。爲光學嗣孫。舉鄉飲介賓。

卷之四

二十九

贈福建順昌知縣。子迥字雲客。少聰慧。六七歲能事。光學起居。長舉乾隆元年鄉薦。除神木教諭。遷知順昌縣。胥吏誣鄉民。富戶亦習詐民財。迥嚴懲以法。弊革。以廉能著。

劉永年

劉永年字延祝。其先固始人。元末遷關中咸寧。數世再徙武功興城里。父新基。

國朝人。娶於楊。生永年。父早卒。母矢節。祀節義祠。永年兒時不妄戲。事母孝。康熙辛未歲饑。永年負母就食終南太白間。轉側危磴。日行數里。母素所嗜。必陟峻歷深。得乃止。人稱孝子。長子燦字闇。公雍正甲辰副榜。乾隆甲子舉人。乙丑會試列明通榜。以副榜除直隸趙州州判。格舉人銓法。罷除。老於家。主有郃書院講席。邑令瑪星阿。兩舉鄉飲大賓。

李可楫

李可楫字宜川。北岡人。始祖御可。自固始遷武功。七世祖誨。嘉靖貢生。四川威寧教諭。子居敬。萬歷貢生。山西太谷訓導。曾孫演。國朝庠生。子維畿。亦庠生。生可楫。乾隆貢生。家貧力學。舅氏素封。歲時周給。不辭。亦不多受。爲諸生。授徒城北香山寺。偶入城。遇婦女。瞻視無少妄。邑令楊毓芳。躋其行。給貧生糧。不受。更餽斗米。亦不受。楊愈敬重之。延課其子。屢聘不就。楊登堂致聘。乃從命。或譏其迂。楊曰。吾正取其迂也。孫氏景烈。稱可楫自題其堂曰能貧。聞者皆笑之。然此君素有志節。不求於人。實爲貧而能自守者。志曰。士窮乃見節。義顧或出以矯激。則隘。可楫進退以禮。辭受無過情。彬彬然文質君子哉。賢哉楊君。與單父武城爭烈矣。

張伸

卷之四

三十

張伸字乃直。在城里人。父素蘊。明初。由固始遷武功。可考者自七世尚禮始。孫桐。生素蘊。素行。素行無子。以伸嗣。

貶封山丹教諭。伸幼隨兄偉受書。旣長。善書法。兼精騎射。由雍正選貢。隨

勅使甘肅宣講

聖諭。因除山丹教諭。山丹僻處西陲。士少廉隅。伸振其萎靡。士風一變。素蘊子偉。生元哲。字濬公。監生。叔佩伸皆無子。伸卒於官。元哲匍匐山丹。扶柩歸。生平喜施濟。錢米藥餌。隨時賙給。老不衰。子渤。字海若。廩貢生。工詩。尤嗜音律。彈琴吹簫。無師程。自合律度。闢舍右隙地。置半畝園。琴韻書聲。弗輟也。著有半畝園詩草。

陳博

陳博字洽章。陳小寨人。康熙庠生。父敬之。以耕讀世其家。博學專

周易參伍錯綜。有所得。輒筆之書。書未就。遭母喪。日夜號咷。遽火其書。不復著。每問門弟子曰。汝輩讀易。果於身心中見卦爻消息否。居常垂簾面壁坐。年將八十。夏不扇。冬不爐。行不杖。及卒。累日顏色如生。門人李厚傳其學。著周易畏言錄。蓋淵源於博。子應騶。字龍駒。弱冠能文。乾隆乙酉甲午副榜。

志曰。易自輔嗣尚元理。學者淪於老莊。漸與釋教相出入。易道微矣。博焚書見性。面死如生。居然佛氏涅槃。然學貴心得。視拘墟章句者何如也。

劉紹先

劉紹先渠子里人。祖悌。生澤民。治民得民。澤民生紹先。乾隆戊辰歲饑。與得民子紹宗施穀三百餘石。皆舉鄉飲耆賓。紹先孫雲爛。乾隆舉人。狄道州學正。得民孫養心。生士傑。乾隆扶風舉人。永昌瀚如。乾隆乙卯。

欽賜舉人。麟遊教諭。工舉業。劉氏子弟皆所成就。

何敬

何敬觀音堂人。乾隆四十九年。敬年八十九。子士純。年六十七。孫璞。年四十六。曾孫其雄。年二十八。元孫丁酉。年八歲。五世同堂。五十年。奉

旨旌賞黃絹一疋。匾曰盛世休徵。

蘇氏

蘇氏新尚邨人。分東蘇南蘇。東蘇相傳十三世。有生員十人。南蘇甸亦傳十三世。有生員六人。其五世皆

國初人。甸子朝宰。生冉。仁。冉傳至曾孫。仁傳至元孫。五世同爨。鄉

黨稱孝友。譜皆冠唐以前。蘇建世次。僅載康氏志所錄。宋元無徵。又有新邨蘇氏。不能舉其高曾。亦據康氏志繪爲宗圖。有名志仁者。乾隆十一年。據圖充蘇瓌後裔。守瓌墓。四十八年。儒學舉志仁。孫庠生殿雲。爲蘇武後。未及行卒。

志曰。蘇武。杜陵人也。子通國。後裔無傳。武兄嘉十一世孫則。始爲武功蘇氏。子姓繁衍。不僅瓌一支。據唐書表。自漢暨唐。蓋三十二世云。志仁狀稱遠祖瓌。殿雲狀稱二十一世祖武。武長子純。覽者高閣唐書矣。蘇氏顯於漢。盛於隋唐。計其功名甲第。豈處韋杜下。迄今求其後裔。展轉疑似間。茫然莫得其統緒。嗚呼。觀於蘇氏盛衰之際。不重可慨哉。

人物志上之二

黃鸞

卷之四

三十一

黃鸞。邑布衣。少弗羈。尚力使酒。嘗與康恕者。撻於市。旬弗解。時人爲之語曰。康恕黃瞎。高麗銅盃。并州鉄刷。鸞一目微眇。故云。雖兄若弟。咸遠之。數年。悟而悔。且改。屏跡東山麓。數從有道者遊處。惡少妬其倏異已也。羣聚詈之。鸞笑弗答。或攘臂逐之。鸞閉門謝。鄉黨咸曰。古有周處。今有黃鸞。因所居。共號爲東麓。郃封録引牛恒白閣集如此。鸞殆與恒同時與。

牛恒曰。蟬脫糞溷。有汲風飲露之操。鳩馴鳥也。化爲鷹。恣搏擊焉。夫人固在所變。何如爾。

張山人

張山人。失其名。南師仲元麓堂文集。有送張山人歸武功序云。張山人者。武功人。慕長生。自垂髻。遊四方名邑大都。雅善倉公術。諳太素脉訣。年八十。容貌蒼臞。筋骨矯健。日行百里不倦。序作於萬

歷丁巳十月。

李服義

李服義字良貴。萬歷貢生。登封訓導。永年教諭。遷知閩鄉縣。政尚寬大。閩鄉衝劇。值外番貢使需索滋害。服義爭之力。罷歸。

韓識張善誘張守元陳謨

韓識字荊州。大莊鎮人。庠生。萬歷貢生霞孫也。崇禎甲戌。流寇攻其堡。識登陴發炮。賊死傷衆。攻愈急。堡陷。識持挺當門。擊殺數賊。被執。賊壯其勇。不忍殺。識大罵不已。遂磔死。張善誘字誨我。崇禎貢生。流寇犯武功。善誘守禦多方。畧。張守元楊陵鎮人。與同鎮陳謨同愾。結生死交。流寇攻堡幾破。守元及謨奮戈陷陣。斬其渠。賊愈仇之。攻殺急。前後數十戰。賊乃解去。堡賴以全。二人卒。鄉人合圖二人形。春秋祭賽。圖剥落。猶存其面。面圓鬚禿。目光炯炯。有生

卷之四

三十三

氣。而張陳不辨。贊曰。子帶我劍。我佩爾箠。金蘭干城。鋒鏑骨肉。既一其心。何分其身。嗟哉耳餘。爾張爾陳。

志曰。韓識諸生耳。而拒門殺賊。甘心磔死。以光學校。可謂志士矣。善誘克全所守。張陳奮戈陷陣。不死幸耳。嗚呼。苟無死志。安能善其守哉。

孝友

張節

張節父居仁。母亡。居仁娶繼室馬。康熙丁未。居仁卒。節事繼母孝。棲身窑穴。日隨馬力耕鋤口。己未馬年三十七。突來惡少。強爲馬媒。馬怒斥之。越數日夜半。惡少糾黨至。馬拒門罵。衆攻門急。節持刀力敵。衆怒焚窑。閤家被害。馬女節弟亦同死。死後檢屍。馬髮鬢焦灼。面目如生。節手抱弟妹。僵屈馬側。猶作衛母狀。

志曰。節穴處。力耕事母。已無愧爲孝子。變起倉猝。奮不顧身。豈復知有繼母哉。旣死。抱弟妹以衛母屍。其志更可悲也。馬抗節捐軀。真不愧其子者。

宇文澄。西街人。少喪母。哀毀如成人。長事父及繼母以孝稱。父老病。奉湯藥十餘年。不歸寢。父歿。過哀成疾。遂不起。雍正八年。奉旨旌表。閔洪章。庠生有學行。年五十。父怒。捧杖請責。怒解乃止。事繼母亦以孝稱。張復才。顯義里永臺人。天性孝友。父病。祈廟身代。年五十先母卒。令弟大立。斂以素衣白冠。將屬纊。抱母項絕。初歲饑。或減價售產。復才曰。吾力不能周。饑復乘人急。以自益。吾不忍也。如時價償。董榮。豐盈寨人。生五歲。父君文卒。母李年二十四。撫榮苦節。榮事母。飲食必親調。衾枕必手置。乾隆五十七年。母年七十七卒。榮亦年五十七。哭泣如孺子。旣卒。冒霜露守墓百日。戚友

卷之四

三十四

爲結廬墓側。榮增墓封。高一丈三尺。周六丈五尺。戚友勸歸。終身焚香墓前。日三次。母墓在邨北一里。李振楷。白楊寨前衛人。庠生。爲叔演嗣子。孝謹。得演及母宋歡。演妾張。怨宋。並及振楷。宋歿。演欲嫁張。振楷泣求乃止。張感之。先演卒。演哭之慟。以己衣棺葬。張統。岡上邨人。田不滿三十畝。養母段。脩甘旨。姑適周邨吳氏。吳死。遺子英九齡。無恒產。吳族議嫁姑。母曰。姑失節。吾不忍也。統遵母命。迎姑養終身。撫英生子成立。乃割畝分居。馬亨。新尚村人。父斌。庠生。乾隆三年。斌病足廢。處庭戶則出入負。出遊則設輪椅推挽。任所適。興盡乃返。歷二十三年。父忘廢疾。王材。字特生。布王堡人。父早卒。事母孝。家庭瑣務。必請命乃行。與人交。懼辱親。無失言。母卒。旣葬。結廬墓側。伯父病歿。奔哭。哭罷奔墓。三年後。猶朝夕省墓。歷三十年如生前。康達。字九衢。在城里人。父起忠。有弟起德。無子。

以達嗣。達幼育於嗣父母。卽知孝養。既長。父病劇。達延醫。整屋。夜墮雪窟。僵。曉有出之者。既甦。問姓名。所延醫也。喜。導醫衛行。遇澗溪。輒赤足破冰。引衛渡。醫感其孝。愈父疾。醫戒父酒肉。父卒。終身不御酒肉。母患疽。吮之。不愈。卒。見疽者輒泣下。乾隆乙酉。卒。年六十五歲。

志曰。達可謂純孝矣。觀其卧雪履冰。見疽涕泣。愍然如孺子。豈復有所容心哉。

徐四達劉漢周馬順世

徐四達字近修。在城里人。嘗之薛固鎮。拾遺金。還其人。盜竊衣物。置不言。舉鄉飲大賔。劉漢周字絳侯。家素封。樂濟人。緩急。歲饑。出粟五百石。無德色。邑令上其事。

欽賜九品頂戴。馬順世韓店人。乾隆元年。拾遺金三十兩。扶風生員魏振東金也。召魏還其金。

李白春李大春

李白春字石年。本榆林人。兄大春。籍武功。亦移家焉。白春世武職。父卑。明臨洮鎮總兵官。征流寇。立奇功。白春亦官。叅將。棄職浪遊。豪放負氣。不面諛人。當時豪俠莫能屈。大春字聖年。順治舉人。工詩。著有采鞠堂詩集。豐川王心敬序曰。大春丰神俊朗。應試宏博。有名士風。其詩詞與河濱朝邑李楷郿縣李栢郿縣並以風流嫺雅。角逐藝苑。當時有諸李之稱。又有三李之目。大春附見後志藝文。未詳行事。觀王豐川序言。及采鞠堂詩集。豈處白春下。邵封錄又有李叔夜能詩。與李天生。富平人李雪木。相伯仲。其人無考。亦大春流亞與。

閔文翰何瑞

卷之四

三十五

閔文翰字陸翮。聶邨人。康熙舉人。家貧好學。讀書綠野書院。時與同志講學。詩學少陵。著有見山子詩集。孫氏景烈嘗謂爲諸生時。武功文名最著者九人。庠生康復齋呂賜。舉人徐說敏遜。崔孟宣。昭。張子甲士元。閔陸翮文翰。趙燕乘驥恒。貢生牛原其逢慶。牛廷錫之瓌。吾師耿漳干先生星。字天章。九人中。惟崔昭官學正。餘或以舉人終。或以貢生生員老。皆不遇。生員何瑞字雲卿。漆邨人。早慧。爲詩歌古文辭。百韻千言。頃刻以成。顧短軀羸貌。屢試不第。乾隆乙酉卒。張氏洲哀辭曰。慨生才之不偶兮。羌吾不解於天意。胡孕秀而降美兮。胡淹抑而藏閉。造物無心兮。故不可知也。才者不祿兮。則固如斯也。三十日壯兮。方進步以彳亍。何遽夭闕兮。忽焉滅此驥足。昔文考與子安兮。乃名永而齡促。生詎有同符兮。弗獲長視而遠矚。憶縱筆於千言兮。浩浩洋洋。長歌短吟兮。金石宮商。瞻瓊瑰火齊兮。玉珠璀璨以光芒。顧茲儕輩兮。疇可與爲頡頏。孰搜輯以掇拾兮。懼篇帙之佚亡。望渺渺而愁予兮。徒躑躅以彷徨。嗟生豐才嗇厥值兮。困屈淹蹇。中道逝兮。護庭哭泣。孤幃涕淚兮。吾生友者。聞且喟兮。

志曰。余讀何生百韻詩。豪邁有奇氣。竊嘆牛槐堂之風。於茲不墜。及讀張氏哀詞。又不禁掩卷爲何生惜。嗚呼。自古文章憎命達。豈何生已哉。

魏惟慎李厚

魏惟慎嗜性命之學。潛心孤詣。不以窮困廢著。有性理注解。廣太極圖說。會大饑。客死隴西。書亦散失。李厚字凝莊。川口南莊人。庠生。學易于陳博。得其精粹。著周易畏言錄。自序曰。易有畫數而有物象。有物象而理亦流貫於其間。三者雖均爲易道之所該。而象

尤重。蓋由數以生象。象立而一定之數亦在焉。是象固可以該數。而理又无不該于象中也。其著書宗旨如此。書成於乾隆四十年五月。凡六冊。不分卷帙。

志曰。惟慎與厚。皆不求聞達之士。去今數十年。鄉人鮮知其名。惟慎客死他鄉。著書散逸。其遇更厄於厚。然而惟慎不沒也。

徐立功

徐立功。徐家灣人。去李厚居十餘里。每食減撮米。儲筮。積撮成合。終歲累斗斛。煮粥施捨。歷十有二年。秋禾熟。立功宵防失禾。子孫競偵竊者。獲諸鄰。斥鳴約正。鄰笑曰。爾翁贈耳。曷往質。子孫赧然退。

志曰。減食爲施。雖小惠。有釋氏布施遺意焉。莫夜贈禾。匿及子孫。足以知其隱德矣。

卷之四

三十七

王世平段玉田

王世平。布王堡人。乾隆

恩貢生。制行高潔。與孫氏景烈爲文友。偶醉。醒而自秩曰。世平能改否。除西鄉縣教諭。以廉介稱。段玉田字藍山。蘓坊邨人。乾隆舉人。富平教諭。父疾滌廁。驗氣污其鼻。兩兄同朝夕。衣無專屬。嘗受業孫氏。景烈。教士富平。一如孫氏教。商州士。春秋廟祭。舊習尅減。犧牲。折價數倍。除其弊。官六月卒。先是。邑令黃景畧。嘗延主有郃書院講席。多士樂其教。及卒。迎柩乾州。哭失聲。

劉彪田生玉周大用

劉彪。楊陵鎮人。父爾公。彪由行伍。從大將軍岳公鍾琪。征西藏。積功擢都司。移家四川。乾隆四十年間。累遷至建寧鎮總兵官。姊適張佩。見節婦傳。言彪移家時。袒示瘡痕。身無完膚。田生玉可層舖

後衛人。由西鳳營武功汛行伍。調征川楚賊。嘉慶元年。從戰襄陽瓦子岡。二年。從戰夔州青莊坪。以勇敢拔補郿縣經制外委。三年。從戰開縣西河壩。陣亡。子招喜。

恩蔭雲騎尉周大用。前衛人。亦由武功汛行伍。勦賊。嘉慶三年。從戰盤屋焦家巷。咸寧大峪口。褒城連水壩。鋼廠。俱捷。四年。拔補邠州外委。五年。從戰西鄉王子山。陣亡。兵丁李發。崔棟。王有。功。程。泰。高成。朱廷桂。郭喜。徐鏡。張喜。李盛。鄉勇。張順。俱以陣亡。從生玉大用。祀乾州昭忠祠。

舊志闕訪人物

張秀。字國華。明監生。好善樂施。與人無競。諸昆弟待以舉火。邑稱有德君子焉。趙明俊。字賔廷。明庠生。父母早逝。善撫諸幼弟。以立後。析爨。以季弟無子。復與同居。教其子。善事叔如事父。仲子昌周。

卷之四

三十八

舉於鄉。劉志德。號仰吾。克敦孝友。尚義急公。舉壽官。鄉飲。子珂。國朝順治舉人。官上虞知縣。張德惠。字子民。山西平陽教授。惟恭子也。康熙貢生。授興安州訓導。張廷相。早歲失怙。家貧。不能延師。每逢人質疑考證。以資所學。學成。遊鄉校。食廩餼。貢入太學。終身絕跡公府。薛文龍。於昆季特友愛。有弟流落蜀中。龍思念日篤。遣其子徒步入蜀。徧求以歸。爲娶室立家焉。張天宿。字野夕。庠生。少有文名。方正自持。邑令廬其門。舉鄉飲。李環。性孝友。樂施予。邑侯給匾獎之。

志曰。舊志載張秀八人。事跡寥寥。亦從闕訪例。附於篇末。續志有霍達。由進士官。

國朝工部尚書。按達舊籍武功。後徙長安。見通志。今不錄。

舊志補遺

續志補錄二十六人。

任安寶會宗寶武寶統蘇紹寶真蘇衡寶毅蘇澄蘇拯蘇安世蘇致堯蘇泳杜

住張徽張君美康錫康錦楊舟

後志補錄二人。

史永遵蘇獻蘇靈芝

錄二人。

馬師祿薛得中

邵封錄補錄五人。

蘇洪劉林甫趙曾梁璞馬京

按寶武寶統寶

真寶毅皆非武功人。寶會宗子孫徙武功。會宗無徙武功事。見唐

書表。任安所居武功。在渭南漢武功縣西。無豪小邑。非今武功地。

見水經注。俱不錄。

晉

蘇紹。字世嗣。愉子。為吳王師。石崇妻。紹兄女也。有詩在金谷集中。

弟慎。左衛將軍。

北周

蘇衡。當元魏之末。周文帝宇文泰。時為魏丞相。欲於行臺置學。選

德行明敏者充之。又於諸生中。簡淳懿者為侍讀。遂以衡及汾陰

卷之四

三十九

薛慎等十二人入選。

隋

蘇徹。蘇肅。皆威從父弟。並以鄉正。為盧愷徵用。文狀後至而先任。

肅右足蹇。授朝請郎。國子博士。何妥與威不協。奏其事。文帝大怒

曰。愷敢以天官為私恩。朋黨甚明。愷免冠頓首曰。皇太子將以通

事舍人蘇夔為舍人。夔威子。臣以夔未嘗遷。固啟而止。若與夔有

私。豈當若此。文帝曰。威之子。朝廷共知。汝乃固執以徼身倖。所不

知者。便行朋附。遂黜。

蘇儂。威之孫。為尚輦直長。煬帝詔威安撫關中。以儂為副。威子夔

先為關中簡黜大使。一家三人。奉使關右。三輔榮之。

蘇洪。隋太常寺卿。乾隆二十年間。邑人築堡西原。掘地出墓磚。書

云。大隋國陝西雍州大常寺卿蘇洪之銘。北周改武功郡為雍州。

故武功人謂武功爲雍州。

史永遵與從父昆弟同居。大業五年三月。有司上言。煬帝嘉之。賜物一百段。米二百石。表其門。

唐

靳孝謨。隋大業末。任朝邑法曹。唐高祖起太原。帥師渡河。孝謨以蒲津中渾二城迎降。高祖受禪。進金紫光祿大夫。武德二年正月。遣孝謨安集邊郡。爲梁師都所獲。孝謨罵之極口。師都殺之。二月。詔追賜爵武昌縣公。謚曰忠。孝謨墓在大莊鎮東北。有乾隆四十八年神道碑。

劉林甫。吏部侍郎。隋世選人。十一月集。至春而罷。人患其期促。貞觀元年十一月。林甫表四時聽選。隨缺注擬。人以爲便。唐初。士大夫以亂離之後。不樂仕進。官員不充。州府多以赤牒補官。至是皆

卷之四

四十

勒赴省選。集者七千餘人。林甫隨才銓叙。各得其所。通鑑以爲武功人。唐書林甫子祥道。觀城人。傳載林甫事詳。不云籍武功也。劉樹義。文靜子。貞觀二年。追復文靜官爵。襲封魯國公。怨父不得其死。竟以謀報被殺。

馬師祿。善相。長安主簿蕭璿。與縣尉李嶠。李全昌。同詣求決。馬生云。三人俱貴達。大李少府。位極人臣。小李少府。得五品以上要官。位終卿監。蕭主簿晚達。亦大富貴。從今後十年。家有大難。兄弟並流。唯公與一弟獲全。又十年。遇太李少府在朝。當得引用。後璿離長安任。作秘書郎。則天旣貴。皇后王氏破滅。蕭璿是其外姻。舉家流竄嶺南。唯璿與弟瑗。配遼東。獲全。其時李嶠作相。於街中忽逢璿。使人問是蕭秘書耶。因謂之曰。公豈忘武功馬生之言乎。於是擢用。時小李少府。作刑部員外。蕭公竟歷中外清要。

蘇踐言。良嗣子。官太常丞。爲酷吏陷。死嶺南。削其父爵。中宗神龍元年。復贈良嗣司空。以踐言子務元襲封。終邠王府長史。

蘇獻。頌之從祖兄。爲太常博士。伊闕人孫平子。以中宗遷別廟。欲還於太廟。下羣臣議。獻及博士陳貞節等。以爲七代之廟。不數兄弟。殷時或兄弟四人相繼爲君。若數以代。則無祖禰之祭矣。今睿宗之室。當亞高宗。中宗時立別廟。非躋睿宗於中宗之上也。從之。

蘇靈芝。開元中易州錄事。善書。與胡霈然齊名。安世鳳墨林快事。謂靈芝書。拵有李顏二家。而視北海則加莊。視太師又多隼。按靈芝所

書碑刻。易州鐵像頌。開元二十七年。建在易州。刺史田琬德政碑。開元二十八年。建在清苑。夢真容勅二碑。開元二十九年。建一在易州。一在盤屋。范陽憫忠寺寶塔頌。在大興。鐵像碑。署銜登仕郎前行。易州錄事田公碑。則稱逸士。夢真容勅。但書武功。蘇靈芝而不署銜。惟寶塔頌。乃爲史思明所書。唐書思明。以至德二載十二月。表降。以爲范陽節度使。靈芝書頌。乃在十一月。蓋思明既欲歸命。先以此稱祝貢。媚而靈芝結銜。爲承奉郎。守經略軍曹參軍。或已入思明幕下歟。

卷之四

四十一

蘇澄。夔季子。沁州刺史。元宗女壽安公主。小字蟲娘。曹姬所生。嘗令衣道服。主香火。後元宗爲太上皇。代宗起居。帝曰。汝在東宮有令名。指蟲娘曰。汝後當與一名號。代宗遂令蘇澄尚之。封壽安。

蘇拯。昭宗光化中。與考功郎中蘇璞書。令人緘。誤書名。
宋

蘇安世。字夢德。仁宗慶歷五年。爲三司戶部判官。太常博士。時有誣歐陽修者。安世白其誣。有令刺陝西民爲軍亡者死。有司得亡者皆死之。安世言於上曰。亡者不赦。恐相聚爲盜。惟朝廷哀憐愚民。使得更生。仁宗從之。三十州亡者得不死。安世之力也。官至廣西轉運使員外郎。

蘇致堯。字唐卿。慶歷甲申。與范陽祖無擇。清源王袞。遊東海。磨崖篆石爲三字詩。字大徑尺。蹟類嶧山刻石。宦蹟無可考。

蘇泳。字潛聖。爲直都員外郎。英宗治平中。與潁川韓絳等十人。過仙遊潭。挹玉女泉。有記。

金

杜佺。字真卿。宋末有詩名。嘗以五言詩百韻。上乾州守馬涓。涓大奇之。阜昌中。登科。歷官有聲。馬嵬楊貴妃墓。過客留詩最多。章宗有詔。錄詩五百付詞臣第之。佺詩在高第。有錦溪集失傳。惟馬嵬詩。載堅瓠集。詩曰。楊柳依依水拍堤。春城茅屋燕爭泥。海棠正好東風惡。狼籍殘紅襯馬蹄。子師楊亦能詩。尤工書翰。

元

張徽。中統二年爲陝西行中書省左右司郎中。善書。有金京兆劉處士墓碣。在西安碑林。朱彛尊題跋云。詞特崛竒。徽正書涉篆隸體。亦不猶人。復工詩。有題甘河遇仙宮。送李和甫還筠溪詩。

卷之四

四十二

張君美。嘗與乾州楊奐。商畧條畫。徵收課稅。踰月而政成。又嘗與員擇遊乾陵。有刻記。

趙曾。梁璞。見元至正十六年重修文廟碑記。記稱前進士趙曾篆額。前全州學正梁璞書。未載縣名。蓋皆武功人。

明

薛得中。官邵陽知縣。邵封錄。得中。字南峯。明洪武末知四川安岳縣。見武功景氏家譜。

馬京。字子高。由洪武十八年。志作十三年誤二甲一名進士。授翰林院編

修。歷左通政。大理寺卿。建文中。左遷四川按察司僉事。永樂元年。

召爲行部左侍郎。志作右侍郎誤皇太子守北京。命兼輔導。盡誠翊贊。太

子甚重之。數爲漢王高煦所譏。戍廣西。旣至。仍坐前事。逮下獄。與

工部左侍郎陳壽。吏部侍郎兼贊善許思溫。皆死獄中。洪熙元年

二月。贈榮祿大夫少傅。謚文簡。志作贈禮部尚書誤四月。遣官徐有業諭祭。贈謚。制詞云。維新之澤。已被于生存。康氏志云。取之囹圄之中。而卒于効用之始。豈有所諱而云然耶。抑錄用之旨方下。而京已瘐死。無及耶。文載郃封錄。

志曰。裴松之注三國志。論者稱爲陳壽功臣。而不知史部義例。詞尚體要。裴之所補。皆陳之所棄也。然本裴注以求陳所取裁。而陳之才識。相得益彰。裴亦不愧功臣之譽。康氏纂緝人物。意存採擇。蓋正史事詳本傳。不借志乘表揚。野史稗官。又多傳聞失信。故康氏節取。足適已意而已。餘則槩從刊落。觀其取舍詳畧。頗具史裁。此康氏之所長也。後人視爲類書。補其所棄。豈不貽笑作者。續志補蘇氏詳矣。今考唐書表。振綽子孫。康氏所遺。尚有二十六人。續志何以缺載。推其意。以爲不足錄耳。嗚呼。康氏之意。不更較然彰

卷之四

四十三

著哉。例以裴注。備錄諸家所補。亦可以觀康氏之斷制焉。至於康氏誤引正史。則有必待校正者。蘇建。蘇武俱杜陵人。李育。漆人。蘇竟。蘇純。蘇章。蘇謙。蘇不韋。俱平陵人。皆非縣志所宜收。蘇純爲嘉六世孫。見新唐書。康氏作建六世孫。良嗣。爲蘇弁曾叔祖。見舊唐書。康氏作瓌從孫。皆誤。北史綽亮同傳。亮父祐。祖稚。綽父協。而不及祖名。周書。稚作權。綽傳亦無祖名。綽亮異祖可知。康氏以協爲稚子。亦未審其所據。

